

Date – 24/03/2025

Time - 7:30 -7:40Hrs

## REGIONAL NEWS BULLETIN

### HEADLINES (MORNING)

1. Tangka kum 2023-2024 tawp lamah khan thlai thar lei na'n cheng vaiblechhe 110 dah a ni a, hei bak hranpa-in thlai thar leina tur kum thar Budget-ah dah a ni lo.
2. Mizoram sorkarin kuhva chin belh a khap dawn lova, kuhva chinna hmuna thlai dang nena chin pawlh pah a kalpui zel a tum.
3. Tunhnaia ASF pul hri leng thar leh avangin he vawk pulhri avangin vawk a 227 thi leh tawh a, vawk 48 suat a ni bawk.

<><><>

### FUND FOR CROPS

Tangka kum 2023-2024 tawp lamah khan thlai thar lei na'n cheng vaiblechhe 110 dah a ni a, hei hi hman zawh a la nih loh avangin a hranpa-in thlai thar leina tur kum thar Budget-ah dah a ni lo.

Agriculture minister Pu P.C. Vanlalruata'n a sawi dan hi thlai thar leina atana sum hi hmanral vek a la ni lova, chheng vaibelchhe 110 atangin sorkar-in cheng vaibelchhe 22 leh nuai 59 a pe chhuak tawh niin a saw a. Pawisa hmanna te chu training-na, pisa mamawh thuthleng leh dawhkan ilo bakah stationery te, lehkhabu chhutna, thlai hralhtu leh leitu inhmukhawnma senso, District Agricultural Marketing Committee (DAMC) te'n secondary collection centre leh society te zirtirna a pek senso te a ni a, a vaiin cheng nuai 72 chuang a ni a. Hei bakah hian kg. a Rs 30 zela Mizoram thar huhhum leina atan cheng nuai 42 thelh hman a ni tawh a. Hmunphiah leina atan cheng nuai 15, sing 3 leh sang 4 ruahman a nih bakah sawhthing leina atan cheng vaibelchhe 1 leh nuai 76 ruahman lawk a ni bawk.

Minister chuan sawhthing hi kumin February ni 20 atangin Secondary Collection Centre-ah lei tan a nih thu a sawi a.Sawhthing lei tur bik hian empanelled vendors/buyers ruat an awm lova. Sawhthing hi a hralhtu leh a leitute inbiakremnain khawi hmunah pawh hralh theih a nih thu a sawi a. Secondary collection centre pawna in lei leh hralhnaah chuan sorkar a in rawlh lovang a ti a. Sawhthing lakkhawnma hmun secondary collection centre hi 62 siam a ni. He'ng hmuna sawhthing phurh khawnma senso hi society/kuthnathawktute'n an tum tur a nih thu a sawi bawk a ni.

<><><>

### PMJVK

Aizawl Vanapa Hall chu thiah a, a thara sak tura ruahman a ni a, a thawhna tur sum hi PMJVK hnuai-ah dil mek a ni.

Sorkar official-te hnen atanga thu dawn danin District Council & Minority Affairs Department-in Ministry of Minority Affairs-ah hna hrang hrang thawhna tur 65 a theh luh zingah Vanapa Hall thiah leh sak thatna tur ruahmanna hi a tel a. Hemi atan hiang cheng vaibelchhe 37, nuai 78, sing 7 leh sang 4 dil mek a ni. Hei bakah hian Govt. T. Romana College academic building sakna, thawh khatna leh thawh hnihna atan cheng vaibelchhe 30 leh nuai 38 chuang dil a ni bawk a. Govt. Johnson College academic building sakna atan cheng vaibelchhe 17 leh nuai 92 dil a ni bawk a. Lunglei Pukupui a Mizoram Engineering College sak tawh a taka hman theih tura chei thatna atan cheng vaibelchhe 14 leh nuai 83 chuang dil a ni bawk a ni.

Tun dinhmunah PMJVK hnuaiia thawh tur dilna thehluhte sorkar laipui-in pawm a la nei rih lo a ni.

<><><>

#### CORPSES TRANSPORTATION

Social welfare, tribal affairs, women & child development minister Pi Lalrinpuii chuan tun thlengin ruang 320 phurhna man cheng nuai 31, sing 4. sang 8 leh 314 pek chhuah a nih tawh thu a sawi.

Pi Lalrinpuii chuan ruang phurh ruahmanna hi nikum September ni 1 atanga hman tan a nih thu asawi a. Kumin February ni 17 thleng khan ruang phurh dilna hi 369 dawn ni tawh a. Tuna ruang phurh man cheng nuai 31 chuang pek chhuah bakah hian ruang phurtute bill 49 cheng nuai 5, sing 1, sang 8 leh 704 la pek loh a la awm a. Pawisa bate hi pek tura ruahman mek a ni a, bank kaltlanga pek chhuah thuai tura buatsaih mek a ni, a ti a. Online-a dil theih turin Ruang phurh Application buatsaih mek a nih thu a sawi bawk.

<><><>

#### AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

#### ARECA NUT

Land resources, soil & water conservation minister Pu Lalthansanga chuan Mizoram sorkarin kuhva chin belh a khap dawn lova, kuhva chinna hmuna thlai dang nena chin pawlh (multi-species cropping) pah a kalpui zel a tum a ni, a ti.

Tun hnai a Assembly inkhawma MNF member Pu R. Rohmingthanga zawhna chhangin Pu Lalthansanga chuan central sorkar atangin kuhva chin khapna thupek chu a awm chiah lova, mahse la, Ministry of Agriculture & Farmers' Welfare (Horticulture Division)-in India ram hi Kuhvaah a intodelh rih niin a hria a. Chuvangin, kuhva chin belh zawnga hmalak tul a tih tawh loh bakah Mizoram sorkar pawh kuhva chin belh zawnga hma la rih lo turin Ministry of DoNER lam a hriattir a ni a. Hetih lai hian, Kuhva chin belh kawngah Central Sorkar thawhpui erawh a rem tawh dawn lo a ni, a ti.

Central Sorkar-in Kuhva chin a khapna hi thupek ni a ngaih theih chu a ni chiah lova, Horticulture Division, Ministry of Agriculture & Farmers' Welfare lamin Ministry of DoNER hnena Land Resources, Soil & Water Conservation Department-in Kuhva project NEC-a a thehluh chungchanga sorkar laipui ngaihndan a ziah lan a ni.

<><><>

#### TOURISTS

Nikum April thla atanga December thla thleng khan zinmi mi nuai 3, sing 6, sang 3 leh 69-in Mizoram an rawn tlawh.

Tourism department atanga thu dawn danin Mizoram rawn tlawhtu zinga nuai 3, sing 5, sang 9 leh 36 te hi ram chhung mi an ni a, mi 4,033 te chu ramdangmi an ni. Kum telin Mizoram rawn tlawhtu hi oung chho mah se, 2020-21 khan Covid-19 hrileng avangin zinmi an tlem hle a ram chhung mi 20,564 leh ramdangmi 3 chauh an lo zin a. Kum 2021-2022 khan hrileng a zia-awm deuh hnu-ah ramchhung mi nuai khat, sing 3 leh sang 2 chuang bakah ramdangmi 94 an lo zin a. A kum leh 2022-2023 tangka kum chhung khan ramchhung mi nuai 2, sing 1 leh sang 8 leh ramdangmi 3,554 an rawn zin a. Kum 2023-2024 tangka kum chhung khan zinmi nuai 2 sing 1 leh sang kaw chuang lo zinin ramchhung mi nuai 2, sing 1 leh sang 5 leh ram pawn mi 3,884 te an ni. Kum 2020-21 leh 2023-2024 tangka kum inkar chhunga Mizoram rawn tlawhtu za zela 98 point 22 te hi ramchhung mi an ni a, za zela 1 point 78 te chu ramdangmi an ni.

Nikum December thla atang khan sorkar laipui chuan India hmarchhak state 3, Manipur, Mizoram leh Nagaland a ramdangmi luh khuahkhirhna a thlah dul tawh chu a tikhauh thar leh a. Hemi avang hian ramdang atanga lo zin zat hi a tlak hniam an rin thu official-te chuan an sawi a ni.

<><><>

#### ASF

Tun hnai lawka African Swine Fever (ASF) hri a len thar leh tak avangin he vawk pulhri avang hian nimin thleng khan vawk 227 thi leh tawhin vawk 48 suat a ni leh tawh bawk niin Vety department hotute chuan an sawi.

Nikum December ni 24 atanga ni 80 chuang ASF vawk pulhri avanga vawk thi leh suat a awm tawh loh hnu-ah Lawngtlai district a Bungtlang South leh Lawngtlai khawpui bakah Mamit district-a Zawlnuam khua-ah vawk hi a thi tan a. Bungtlang South-ah Inrinni thleng khan vawk 188 a thi tawh a, Lawngtlai-ah vawk 77 a thi tawh bawk a. Inrinni khan vawk thi 5 a awm a, nimirah erawh chuan a awm lo niin Vety department hotute chuan an sawi a, Lawngtlai-ah vawk 15 suat belh a ni thung. Vawk thi sample te hi Aizawla endik a nih hnu-ah Guwahati lamah nemngheh tura thawn a ni a, kar kalta Ningani khan Guwahati a laboratory lamin ASF ngei a ni tih an finfiah thu an rawn hrilh ta a ni.

He tih lai hian Vety department lamin Zawlnuam a vawk thi zat hi Zawlnuam Borai vengah 16 leh Zawlnuam Vengpui a 1 thi ni a an sawi lai-in an khaw tlang hotute erawh chuan Inrinni thleng khan Borai vengah vawk 19, Thuampui vengah 13 leh Vengpui-ah vawk 3 a thi tawh niin Akashvani Aizawl an hrilh a ni.